



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

CXVIII. Notitia iudicati pro Ecclesia Gerundensi.

urn:nbn:de:hbz:466:1-22974

renitati nostræ quasdam res præceptis genitoris nostri Hlodovici gloriosissimi Regis avi que nostri divæ recordationis Karoli Imperatoris Augusti Ecclesiæ sibi largitæ commissas, sed & privilegio apostolicæ sedis plurimorumque Episcoporum easdem res inrefragabiliter confirmatas, id est, abbatiam Flaviniacum cum integritate sui, villam Biliniacum, villam Lucennacum, villam Lentiliacum. Vnde ob majoris firmitatis rigorem deprecatus est ut easdem res nostro quoque jamdictæ sibi commissæ Ecclesiæ confirmarem præcepto. Cujus petitionibus eò libentiùs cessimus quò nobis profuturum conspeximus amplius. Confirmamus autem supradictas res cum omni integritate, & Mariniacum ex eadem Ecclesia pertinentem retro abstractam reddimus, supradictæque Ecclesiæ in perpetuum ad habendum firmamus, ita ut merces nostra cum prædecessorum nostrorum augeatur mercede. Præterea jamdictus Præsul deprecatus est ut in elemosyna nostra, quod ipse piè decreverat, auctoritate nostra firmarem; videlicet ut quilibet Clericorum sancti Nazarij episcopatus mansiones suas infra claustra ædificare voluerit, securus adimplere possit absque cujuslibet hospitalitatis oppressione, quatinus liberiùs pro nostra & totius generalitatis utilitate divinam pulsare valerent pietatem, atque easdem mansiones cum ipsa terra post obitum suum cuiunque ex clero ipsius Ecclesiæ voluerint vendendi & donandi liberam habeant potestatem. Nos autem & hæc confirmamus, & sicut in privilegio suo ipse statutum habet concedimus, delegamus, & ut à nullo unquam successorum suorum immutari possit, regia auctoritate prohibemus; sed quod ab eo actum est, & à nobis firmatum, jure firmissimo maneat inconcussum. Ut autem hujus nostræ auctoritatis confirmatio plenior in Dei nomine obtineat firmitatis vigorem, ac diuturnis valeat durare temporibus, manu nostra subter firmavimus & anuli nostri impressione subsignari iussimus.

Signum gloriosissimi Regis Karolomanni.

Norbettus Notarius subscripsit.

Datum pridie Nonas Martij anno v. regni Karolomanni gloriosi Regis, Indictione prima.

Actum apud Trupchiacum villam in Dei nomine feliciter. Amen.

Theodericus & Ansharius Comites ambasciaverunt.

CXVIII.

Notitia iudicati pro Ecclesia Gerundensi.

An. 884.
Ex chartulario Ecclesiæ Gerundensis.

CVIII in Dei nomine resideret vir illuster Theotacius sedis Gerundensis Episcopus unà cum viros illustros Deilane & Sunarij Comites in villare quod dicitur Purtos, quod est in territorio Impuritano, in mallo publico per multorum causas ad audiendum & rectis & iustis iudiciis ad diffiniendum, seu in præsentia Perrone Vicecomite vel iudices qui iussi sunt iudicare vel dirimere causas, id est, Furiolo, Vndilone, Go-

demare, Theodardo, Manuel, Frugello, Lenteo, & Ruderico iudicum, Ardovaste sajone, Sperandeo, Hostalese, nec non Iuniano, Trafilido, Benedicto, Furiolo, Blanderico, Eldegodo, Vifredo, Eripione, Sdrunano, Vntrilla, Comparato, Leopardio, Daniel, Vndisco, Armentorio, Mirono, Petrone, Adalane, Fluctario, Galinno, Gaffino, Agilane, Adilone, Senderico, Paterello, Tructerio, Salomon, Leo, Elantio, Paschale, Revello, & Segobrando, vel ceterorum Presbyterorum, Clericorum, multitudo laicorum plurimorum bonorum hominum qui ibidem aderant, sic in eorum præsentia veniens Stremius Archiepresbyter, mandatarius qui est prædicto Episcopo, & dixit: Iubete me audire cum isto præfente Andrea domos, curtes, hortos, & pomiferos, & terras quæ sunt infra terminos de villa Vliano, qui est in territorio Impuritano. Illas debent esse supradicto Episcopo pro partibus ipsa causa de sancta Maria & sancto Felice quod satis in Gerunda vel iuxta ipsam civitatem per præceptum Domini Regis quod illi fecerunt ad jamdicta sancta Maria & sancto Felici. Ad proprio iste Andreas eas retinet ad aprisione pro partibus de villa quæ dicitur quàmque vocant Bedenga. Iste Andreas eos retinet injustè & contra legem. Tunc supradicti Comites, Vicomes, vel iudices interrogaverunt prædicto Andream quid ad hæc responderet. Ille tunc in suis responsis dixit quod ipsas domos, curtes, hortos, pomiferos & terras supradictas quòd iste Stremius Presbyter, qui est mandatarius supradicto Episcopo, requirit, non eos teneo injustè, sed per legis ordinem eos teneo per aprisione & per præceptum Regis & pro partibus de supradicta villa Biringa sicut ceteri Hispani faciunt. Tunc supradicti Comites, Episcopi, Vicecomites, vel iudices fuerunt super ipsa archa vel signa quod est in Montegrino, & dividit inter jamdictas villas, & invenerunt vel extimaverunt quòd jamdictus Andreas. Et præceperunt jamdicto Vndilane iudices ut ipsas terras mensurare fecissent, quod jamdictus Episcopus & prædictus Andreas inter se habere debuissent, sicuti & fecerunt. Et dividerunt ipsas terras sicut lex Gothorum commemorat. Et venit supradicto Vndilane unà cum supradictis sacerdotibus vel plurimorum bonorum hominum, & mensuravit ipsas terras in latitudine quantum jamdictus Andreas habere debuisset; & sic de ipso puteo qui est in jamdicto villare & contra occidentem habet perticas octuaginta, & habet ipsa pertica quæ est mensurata pedes octo & medio, & pervenit usque ad ipsa pertica sita quod jamdicti Comites & Episcopus præceperunt figere. Et contra partibus Vliano de oriente habet perticas quadraginta in latitudine quod jamdictus Stremius recepit de jamdicto Andream pro partibus prædicto Episcopo, cujus mandatarius est. Et contra occidentem recepit in latitudine perticas triginta octo, & habet ipsa terra quod terminaverunt jamdicti iudices de parte orientis in latitudine septuaginta septem & media. Et tunc ordinaverunt jamdictus Episcopus, Comites, vel iudices ut infra ipsas villas Vliano & quarto quæ vocatur Biringa fixuras vel terminia mitterent quinque petras fidas, sicuti & fecerunt. Et recepit jamdictus Andreas medie-

tatem de ipsas peticas contra ipsum puteum à partibus Circi, & Stremirus Archipresbyter similiter alia medietate contra villa Vliano à partibus meridie. Et tunc convenit inter prædicto Episcopo & jamdicto Andrea ut unusquisque teneat & possideat usque ad ipsas pettas fectas per illorum villas divisione judicent atque defendant & securi possideant quilibet in perpetuum quieto ordine. Tunc apertum fuit ut unusquisque haberet exinde notitiam de ipsas res supradictas firmatas atque roboratas sicut & est, & gaudeat se unusquisque in nostro mallo suam percepisse justitiam. Data notitia sub die decimosexto Kalendas Junij anno tertio quod obiit Ludovicus Rex.

CXIX.

Karoli III. Imperatoris præceptum pro Ecclesiâ Gerundensi.

An. 887.
Ex eodem
chartulario.

IN nomine Domini Dei æterni & salvatoris nostri Iesu Christi. Karolus divina propitiante clementia Imperator Augustus. Si erga loca divinis cultibus mancipata Deoque in eisdem famulantibus beneficia opportuna largimur, præmium remunerationis æternæ ob id nobis rependi non diffidimus, quin etiam ad diuturnum felicemque regni nostri idipsum stabilitatem pertinere nullatenus dubitamus. Igitur notum fit omnibus sanctæ Dei Ecclesiæ fidelibus & nostris præsentibus scilicet & futuris quia venerabilis Theotarius Gerundensis Episcopus ad nostram accedens clementiam deprecatus est imperialem celsitudinem nostram quatenus ipsam Ecclesiâ & sedem Gerundensem sub immunitatis nostræ tuitione susciperemus, sicut Karolum Imperatorem suumque filium Ludovicum antecessorem nostrum constat fecisse. Cujus precibus libenter adquiescentes præcipiendo jubemus ut nullus iudex publicus vel quilibet ex judiciaria potestate in Ecclesiâ, aut loca, vel agros, seu reliquas possessiones quas moderno tempore in quibuslibet pagis vel territoris infractionem regni nostri justè vel legaliter memorata tener atque possidet Ecclesiâ, vel ea que deinceps à catholicis vitiis divina pietas in jurè ipsius Ecclesiæ voluerit augeri, ad causas audiendas, aut freda vel tributa exigenda, aut mansiones vel paratas faciendas, aut fidejussores tollendos, aut homines ipsius Episcopi vel Ecclesiæ tam ingenios quam servos vel francos super terram ipsius commanentes vel justè vel injustè distringendos, nec ullas redhibitiones aut illicitas occasiones requirendas nostris videlicet vel futuris temporibus ingredi audeat, seu etiam ea que superius memorata sunt penitus exigere præsumat, sed liceat memorato Præsuli suisque successoribus res prædictæ Ecclesiæ cum omnibus sibi subjectis sub immunitatis nostræ defensione quieto ordine possidere & nobis fideliter deservire. Concedimus etiam eidem venerabili Episcopo suæque Ecclesiæ & per hoc præceptum nostræ auctoritatis confirmamus villam quæ vocatur Olianus & aliam villam quæ vocatur Cacavianus, & castellum Velloso cum castellare suo, & in comitatu Empuritanense vel in

Gerundense cellam sancti Clementis, & cum Petra alta, cum vineis & silvis & cum omnibus terminis suis atque arcas suas, & villam Parictes Rufini, atque castellum fractum, & medietatem de villa Molleti, & villam Fontedictus, & villam sanctæ Mariæ quam vocant Fontaneti, & palatium Muroris cum omnibus villaribus, & villam Carciano cum suis villaribus, & illum plantatium Gondemari Episcopi, & vineas veteras quas Castellanus Presbyter & parentes sui & alij ceteri homines traxer de heremo, & villarem Faram cum aliis villaribus ubi Adalardus Presbyter manet cum terminis suis. Largitur etiam nostra clementia ad supradictam sedem sanctæ Mariæ vel sancti Felicis martyris Christi pro remedio anime nostræ vel prædecessorum parentumque nostrorum in supradicto comitatu Gerundense villam quæ vocatur Elzeda cum omnibus adjacentis suis, hoc est, ab oriente per semitam quæ pergit usque ad ribam fractam, à meridie autem à cruce usque ad confines Arbutiæ, de parte occidentis usque ad Iohanneto, & de septentrione per rivulam quæ vocatur vallis urcea, & pervenit ad sanctam Columbam usque ad aliam ripam alvei, & aliam villulam in jamdicto comitatu quam vocant villam rabiosam cum terminis suis, & in comitatu Bisuldunense villam Crespiano & Miliaris & villam Baschara cum suis villaribus, necnon & archas ac villare quæ dicitur Spedulias, & aliud villare quod nominatur Abdrama, pariter cum aliis diversis villaribus quæ appellantur Terratellas & Cassaniolus, ac villare Acmiton, & in comitatu Petralatense villam quæ dicitur Pharus. Et adhuc etiam celsitudo atque magnificentia nostra concedit jam supradictæ Ecclesiæ beatæ Mariæ virginis atque sancti Felicis martyris Christi pro amore Dei facinorumque nostrorum remissione in supradictis comitatibus, id est, Gerundensi, Bisuldunensi, Petralatensi, atque Impuritanensi, omnem medietatem de pascuaris & teloneis mercatorumque terræ & maris mercatibusque omnibus. Ipsî vero homines qui in supradictis villis habitant vel habitaturi sunt tale obsequium vel tale servitium supradicto Episcopo vel successoribus suis faciant vel serviant quale ad Comites nostros facere consueverunt tam Hispani quam ceteri, & nullum alium censum vel servitium ullo unquam tempore ingerere quis præsumat. Volumus etiam ut liceat memorato Episcopo suisque successoribus res supradictæ Ecclesiæ & à nobis ei collatas seu condonatas & alias quasunque sibi pertinentes quieto ordine possidere & nostro imperio fideliter parere & pro nobis conjugisque ac totius populi Christiani salute Domini misericordiam jugiter exorare. Et ut hæc auctoritas donationis atque confirmationis nostræ per curricula annorum inviolabilem atque inconvulsam in Dei nomine obineat firmitatem, manu propria subter eam firmavimus & anuli nostri impressione signari iussimus.

Signum Karoli piissimi Imperatoris.

Amalbertus Notarius ad vicem Leutardi recognovit & subscripsit.

Data Kalendis Novembris anno secundo imperante Karolo piissimo Imperatore in Galliis, Indictione sexta.